



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九八

著花庵集八卷吳門集八卷南歸集四卷 李黼平撰

一

懷泉書屋詩稿十六卷 宋之睿撰

一七七

留耕書屋詩草十二卷 沈惇彝撰

三一

藤阿吟藁四卷 陳鴻熙撰

四三九

幼樗吟稿偶存六卷 方廷珮撰

五〇三

洗蓬仙館文集二卷 林晉奎撰

五八三

橋東詩草二十四卷情禪謾語一卷 邵葆祺撰

六四三

序

樂之有明解之者曰南任也蓋任樂也或曰雅樂之在南者一以之區其音與中和應也予觀軒律採諸禺竹雅樂張自韶石其地皆在五嶺之南南人誠善爲雅樂者夫樂卽詩也三百篇皆可絃而歌是以南風雅頌並稱然而風雅頌傳而南不傳何與古昔盛時道人有木鐸之邇太史有輶軒之陳故雖僻遠如南其詩皆得頒諸樂官以時存肄及周衰而殘缺失次孔子刪詩錄汝墳漢廣以其爲鄉黨邦國天下之所用且以志化之及南其餘得之楚地者方以其僭而削之其何有于楚之

著花庵集

序

南如吾粵者與漢興以來南裔漸闢至唐張曲江公出實有以追正始之音流風未微積而發于勝國維時天下之詩派有三河朔爲一派江左爲一派嶺南詩自爲一派蓋其才力排募聲調高張足以起衰式靡彬彬乎其盛也而世之論者又或以粗厲猛起少之則詩樂分而南音之亡久矣

聖代古文遠邁前古風教所暨極于幽遐生文明之區仰止之建著述之士森起雲集然則心聲所發含宮嚳羽期與象簡胥鼓相應南樂之復在此時也予蓋未之逮也是集本曰志南著花庵者明結習之未盡也猶

初志也

嘉慶十有二年青龍丁卯七月旣望程鄉著花居士書於順德華講院

著花庵集

序

二



陽山谿畔惠州江記釣搭
兩垂掣鯨千里歷載七百
誰歎繼軌珠水停帆珊洲
投餌雲翻潮白風迴海紫
朕而驟舌爾則亦有乎爾

奉題

繡子先生垂釣圖 番禺門人梁信芳

柳毳、波河、目具孺
論老而不費寧童一
竿山青水碧豈於其
人殆騎鯨之倫釣鰲之
客 奉題

繡子先生小影

東莞張璐



著花庵集目錄

- 卷一古今體詩五十九首
卷二古今體詩七十一首
卷三古今體詩六十六首
卷四古今體詩六十首
卷五古今體詩四十九首
卷六古今體詩六十九首
卷七古今體詩六十八首
卷八古今體詩七十二首

著花庵集

目錄

一

一

著花庵集卷一

程鄉李黼平繡子著

遊靜室

遙山疊新黛近水添微綠蘭若晚晴嶸佳境長在月初
春百事暇巾車緩相逐入門瑞香花娟好弄幽獨輕陰
澹落絮微颺動修竹一與支公期雲山深幾曲鷄園亂
蒼翠鴉林橫斷續裴裊未能去欲就西堂宿

暮春飲田家遂宿

杖策來山邨東風散花柳田翁春有事犁鋤具耘耨相
識邇近間邀飲缸面酒前園摘香菱後園剪豐韭農話
不覺暮山月射牕牖眷茲禮數周遂此流連久語我田
舍風敦樸世所守居安遺子孫食勞置疆畝十年墮世
網感歎心語口名場尙自混生涯復何有畱客碧山下
清眠謝奔走殷勤桃源人宵深幾相叩

田家夜起

山空百泉響客睡不能著開戶臨西軒似有涼颺作月
明松影靜露冷桐華落坐聽荒鷄鳴孤吟意蕭索

十五夜過訪劉恕堂秀才

道源

夙與故人別愁懷隨月滿長因閉門居遠憶同遊伴今
夕獲良晤頗恨更漏短寒憐草露滋香識荷風散冷冷

彈璫悲欲激浮金盃竟夜接清談連牀夢魂斷

東邨新葺

買斷東邨無計好春秋佳日動開尊山雲冉冉常生座
野水鄰鄰欲到門詞賦忘憂餘廢館平章獨樂贍荒園
牽蘿試補君休笑聊並維摩丈室存

卽事

輕薄何須數後生大都賓客愛相傾說詩不解推匡鼎
爲令偏能謗屈平露壓夫容枝欲墮霜飛松檜節逾貞
龍泉掛壁苔痕澁說與傷心夜夜鳴

南樓感事寄蕭金若文學

聲霖

著花庵集

卷一

二

往事模糊話不真一時蒙難託交親每從暇日思元度
敢到他年負伯仁舉酒自消愁壘塊當歌誰識意悲辛
中宵徙倚南樓下雨冷風斜念汝頻

寄劉梅冶秀才

慶綢二首

夫君渺何許遠在周溪湄良無舟與楫念之中心悲時
因西北風一寄瓊琚詞上言素患難下言久別離平生
重結納愧此真相知埽我庭前花烹我園中葵願言接
杯酒相好無時衰

明明雲間月昨缺忽已團感君意氣重使我名節完常
嗟瞿塘水平地起波瀾同舟一以濟豈復云險艱我行

君所見君情我所權張陳囚其終惻愴徒心酸

襍詩四首

桃李經嚴霜零落同衆草春風一披拂能令顏色好盛
衰固有會得喪安足道達上未遇時空谷且枯槁雖無
金張貴寧使衛霍老勿學梁甫吟激楚傷懷抱
朝餐首陽薇暮茹商顏芝此物奚足貴用以飽我飢龍
肝與鳳髓引分非所宜苟無濟時畧食粟良可悲苟無
致君術受祿良可辭

卿家有白璧照乘生輝光飛蠅從何來一黥痕迹長我
欲拔劍驅蠅死璧恐傷長跪持勸君請待秋風涼壁玷

著花庵集

卷一

三

尚可磨蠅滅焉能翔

烏巢高樹巔誰敢弓矢侮燕棲華梁上不受風雨苦樹
倒梁亦傾摧積到毛羽託身雖得地覆敗難逆睹梯榮
誠無階積怨固有府寄謝當世人慎行以爲主

陳生墨蘭同劉五齊峰

前代墨花誰最好尹白工之名譽早江蓮山杏初脫手
坐覺高堂風雨埽千餘年來絕不聞復有陳生覲天巧
墨山墨水何足奇肺肝藿藜生百草春蘭自古有不采
埋沒蓬蒿知者少有如美女羞自獻閉門甘抱紅顏老
看君自是多情人苦寫幽姿被花惱但見真香浮醅醕

曉云幻色同枯槁彼都題贈束筍多一卷嗟君能壓倒
援琴聊爲和荷蘭不用遭逢怨蒼昊

對月

東山一片月皎若鏡新措遙夜天風送吹之墮我懷松
枝橫露井梧葉拂雲階欲勸愁無酒相將坐冷齋

絕句二首

平生醉態玉山墮合共公榮飲百杯販婦傭奴又騶卒
教人真棹酒船回

德擬劉伶當自頌胸如阮籍徑須澆酒徒散盡無情緒
親舊休煩折簡招

著花庵集

卷一

四

蕭生餉蠟梅賦謝

朝從東邨遊暮就南樓宿兩株梅樹爭清香煙雪霏微
看不足不知化工何年變法敷天花點酥製就巧莫加
檀心玉蕊絕可愛一種要向詩人誇往從學海精舍見
牆東百本開橫斜共言寒閨寂無事手撚濃蠟裝奇葩
又疑歲晚蜂亦嬾口噴香蠟勻新芽蠅苞蟬葉亂無數
不計蘭菊堆籬笆山中念汝六年別誰教咫尺成天涯
道人妝束不可見夢騎白鶴飛君家今晨根撥忽送似
眼明見汝忘咨嗟多情暮節肯伴我黃童少小丰神佳
世無中天坡與谷誰解握手貽瑤華日長歌罷花正發

紛紛翠羽喧檐牙

金若過訪南樓

堂堂黃鸝留俱飛上喬木與君各離居中腸轉輪轂今
宵南樓下清景動心目皓月照綺甃流雲溼華屋鑪薰
冷初斷碗茗權已熟勞生風塵間偶此同被宿啞啞驚
鳥起喔喔鳴鷄速遲明共尋春細馬閒相逐

望羅浮二首

我泛龍川水何時到廣州推蓬無一事只是望羅浮
羅浮多峰巒四百三十二遠夢偶然生美人夜深至

博羅竹枝

著花庵集

卷一

五

羅陽城下水西流記送郎船下廣州長說歸期長誤妾
看郎一似浮山浮

石龍

掛帆惠陽城投纜石龍口秋波淨涵天蕭疏點衰柳宿
雁響菰蒲棲鳥噪林藪羅浮自覲面離合當牕牖銜杯
與山別鼓舵乘潮走夜半神悄然驕鼃近人吼

偕恕堂遊五羊觀

仙人驅須郎倏忽化爲石至今叢祠內磴硤留靈迹矯
顧復怒步詎是龍伯斥無乃左元放狡獪爲戲劇不然
黃初平入山倦遺策萬古風月夜銜禾恣騰擲甘泉舊

讀書燈火耿虛壁我來縱遐眺庭樹莽蕭滅誅茅開三徑願與仙共宅爲君招矜競荷蓑免行役

訶林寺

神仙多荒唐載訪訶林寺穠陰蔽迴廊落葉鳴初地誰將名賢宅營作開士第皤皤古菩提異域託根蒂秦松半枯朽漢柏全憔悴扶持仗佛力繫劫見蒼翠列坐延清懽怖鶴時一至我聞徧療賢根性實云利虛堂懸心鏡似識當年意風旛兩無聲令人滌塵思

六榕寺

問途訪六榕到此絕梵唄來往不逢人浮圖插天界雲

著花庵集

卷一

六

梯龍屈蟠風鐸僊僊警欬眼中覽圓方一洗平生隘

殘曙微星當戶沒澹煙斜月照樓低溫飛鄉句也

偶有所憶輒取原韻次之

良宵未報汝南鷄記向人前掩衷帶會面儘教青雀到離心先畏紫騮嘶香殘曉露花溼酒盡明河掛樹低欲效鴟夷同載去五湖煙水滿長堤

周溪夜宿

夙披周溪圖今踐周溪境窮源不覺遠沙水如清潁途穿亂峯寒徑出深竹冷人家晚投宿堂室街落景空林鳩呼羣虛壑猿掛影煙飛雲步橋雨塌天泉井勝地近

可到清夢迥易醒呼童焚松明吾將越東嶺

見燕

竟日營巢作對飛舊人情重忍相違梨花庭院春陰淡盡卷珠簾待汝歸

東邨看花寄招金若

東邨四圍花狎獵放眼溪山綺雲疊天憐詩思太寒瘦特爲奚囊充儉狹蕭郎又讀種樹書役使羣芳解移接東邨草堂親手植裝點有如雕楮葉穿畦抱甕作底忙乃使幽園趣堪涉就中金鳳最可愛一帶歲蕤紅紫襍桃粗李俗且置之餘者紛紛等如妾當時同志十數公

著花庵集

卷一

七

意氣相傾盡豪俠風前論古茶鼎具月下談元酒牀壓而我愛此日三至比鄰相見馴鵲鴨尋香逐影意態狂忽然化作春蝴蝶夢回惆悵不稱意亂拘繁花滿頭插爾來風景雖不殊草堂朋簪誰爲盍庭梨候至初作蕊階藥寒多未抽甲草木多情待杖藜風塵一面覲聯榻兩年不與良讌會知到花時淚承睫春光潭沲日夕佳惆悵孤遊意難愜吟壇請待三月三草長鶯飛共鳴屨

上巳

三月三日天氣惡微雨空濛殊不開紫燕尋泥出入苦黃鸝東樹音聲哀酒徒北海惜難得詩社西園期未來

且擬蕭郎楔庭沼翠綸青舸換流杯

道興

老大迷生計空知掩舊扉每憐佳日過長似故人違樹
重梅初熟林香荀正肥濁醪傾一斗此樂不全非

諸葛武侯鐵釜

商盤周鼎已荒遠古器得者曾無聞若非功德匹伊旦
坐看散失隨埃氛崔嵬鐵釜高幾尺周迴剝落莓苔紋
鸞鷟鳳翥漢隸在快劍斫斷無全文錡耶驚耶伯仲耳
流傳遠溯諸葛君當其草廬未三顧薄田十五躬鋤耘
口吟梁甫歇聞達俊廚顧及空紛紛我觀此釜私作肅

著花庵集

卷一

八

素志澹泊超人羣南陽騁虞應時起炎精翊戴支三分
軒轅整卒誅有罪事煩豈得辭疲勤我觀此釜重太息
數升噉食堪活衰吁嗟陰平失險傳車出古讞具授知
誰云蜀宮鐘簾忽徙鄴何況一釜經兵焚夔巫萬古開
斜曛陣圖轉石當江濱雨中銅弩月中鼓并帶碧血埋
孤墳武功藩籬星有角尙映萬竈屯田軍金鈇羽葆不
可問英靈一物偏銘動空庭沙飛刁斗響如聽汗馬呼
風雲

次葉秋嵐秀才 蘭成 見寄韻

踴躍詞場各自誇雄才爭起吐滂葩讀書我未通三篋

著花庵集

若論君先到一家鐵坂秋高涼掛月玉屏春盡豔飛花
無諸舊壤畱題徧知汝聲名似雪車

水漲

六月瓜蔓水陡漲連雙江兩岸下扼束磬礮鳴琤琮流
環堤防傾勢且拔枿椿人家定何似上沒紅油牕漁師
設網罟估客停舫艘津吏報汗漫伐鼓聲逢逢追思歲
旃蒙逆行竟成澤清溪卷畧約巨浸漂徒杠登高邱避
水側立愁踈蹙天邊鳴我鷄雲外吠我龍沈災彈指過
壞壁餘金缸及茲再漂泊異事驚冥春扶藜載往觀氣
勢何洪虜坤維迭震撼天柱遭春撞羣山已絕浸羅列

著花庵集

卷十

九

無崕峴驚颶吹之立觸搏未肯降元冥馭風下中流黑
旌幢不知修與熙主使驅濤瀧陽侯破碣起雲錦張縣
淙踴躍効掀簸怪錯爭牽扛元冥告陽侯毋乃傷耕稼
雷霆畫轟烈遠聽語則唬須臾忽變滅夕照窺魚紅雲
天萬里碧但見去鳥雙平生湖海志侷促拘鄉邦今觀
此汪洋幾欲吸老龐何當挈諸子十幅浮輕雙胡姬酒
可除一載二百缸鯨魚飛刀鱸毛以離蘭芷快哉叩舷
唱水調傳新腔

述懷二首

羲和陟西極一睡遺神鞭覺官射陽烏躑躅忽不前光

陰激流電妄莫白日延開我東閣門左右張華筵既攀
枚叟衷復拍鄒生肩朋儕三五人抽秘騁其妍人生不
努力盛壯良易捐念之長恨端慷慨希前賢

鴻鵠志千里燕雀焉能知鷗鵬將圖南鷺鳩乃笑之弱
齡覽羣書奮足追臯伊良會邈難觀舉世皆我嗤惜處
以省言孟晉當在茲賤者貴所階辱者榮所基辭家赴
燕趙憤激塞路岐誰能志氣墮偏促當清時

翼然亭子待月

幽人愛圓景歡好同親故招要諷陳篇涼夜相與度精
從柳梢淪影向松際露轉憶風雨時懷君澹無豫

著花庵集

卷十

秋日南樓有懷

嚴飈振長薄淒厲入南樓秋陽寒無晶羲馭逝不留中
園排嘉樹葱蘢綠陰稠昨朝霜霰零落葉隨湍流矧稀
百年壽乃積千載憂願言陳芳醕方丈羅珍羞齊姬舞
錦衷鄭女嚙珠喉獨居難爲權顧瞻無匹儔故人隱叢
桂偃蹇空山幽迎門想高躅道遠心悠悠

望陰那有懷秋嵐

葉子讀書處名山深復深今朝川上望嵐采落衣襟磴
塊飛湍急巖傾積雪陰遙遙隔精舍空聽曉鍾沈

秋柳

垂絲柔颺掠波輕六載江頭感舊情蟬響恨催殘照落
烏啼愁值晚煙生長條隕涕攀猶怯枯樹傷心賦不成
莫度酒醒何處曲此來吾亦柳耆卿

懷蕭蘇圃 錫震

點蒼西望鬱嵯峨遠憶蕭郎匹馬過瀘水日高煙不散
昆池秋到瘴微和天連身毒傾心久地隔頭蘭內面多
間殺參軍在蠻府娘隅入詠奈愁何

題獨鷺

沙頭鷗鷺閒相對水面鴛鴦愛作雙似汝姻緣真箇惡
獨翹涼雨立秋江

著花庵集

卷一

秋夕東恕堂

飛蓋西園記勝遊分曹常借酒消愁銀槎自勸雄心起
銅斗相敲逸韻流蕭颯一聲風在樹空明千里月當樓
懷人此夕成悵觸可但黃門慨賦秋

秋嵐寓齋小集二首

江城疏雨作黃昏小撥紅爐笑語溫好飲本來無一事
不論斗石夜留髡

山水甌閩客思深尊前相見一沈吟看君新取儒冠著
酒態還如坐竹林

分賦梅花得點字

黃鍾氣微動元萌物將茁洪鈞默迴旋大地鬱塊北孤
邨梅信到犯雪脂予轄老幹依人家疏枝出僧利影籠
山婉燼香逐水粉汎輕颼散煙霏微霰洗垢坵玉龍垂
胡墮白鳳翻翻綴仰攀竹籬橫俯蹋苔磴滑花徑無客
埽執箕自膺搗簪頭重須扶著眼昏欲刮拾癢供夕嚙
移根謹宵察山空歸羣鳥巢迥驚老鶻麗人倚巖畔窈
窕年二八灼如芙蕖披瑤然佩環夏抱衾立清寒遺枕
增慧點亭亭宋公主凝妝謝中帕悽悽唐宮妃封髮訝
禿鬢關山笛高弄風雨絲小袂俱成梅花調清音迭敲
劫天明眇遺跡翠羽猶啁嘶撫今雲物新悼往風景殺

著花庵集

卷一

十一

千株攢林麓樵子逞狡猾纖茸草必薙鹵莽苗且攫扶
質汝堅韌鋸牙彼齧齧顧茲碩果存舊斫惜疵鬻冰魂
思守鶴玉骨要醫癩得句題余襟成篇走君札芳醪襍
沽清乾療備棋榻羅浮諸仙人種月方引鑊香溪倘可
泛一櫂聽鴉軋

分賦菰菜得洽字

殘年疏籬下有菜初坼甲屈芟性並妣姬歎情同洽畦
丁苟不翦山鳥空相唼卓午忍飢讀迴飈卷簾押務蓄
恨未能求益知非憎山人滿把致菁葱映廚蕙殮拋馬
氏經饌失嚴公法後先鹽豉下左右薑橙夾韭白而齏

黃指動還口呷方其未吐芽灌漑勤所業紫茄關心種
紅莧親手插栽葵樂荷鋤藝菽動負鋤桔槔春雨後汲
水流歎飲榮敷幾圍寬秀擢數弓狹及茲盡零落惟汝
方押搗遂城產者佳記載有遺剗非菌毒能害異痺辣
難狎葉寒未肯抽莖嫩不容招大官且下箸高士常用
筴稱名徧大邦分種經系劫我昨端江客菜熟雪飛恰
露挑光榮榮雨刈聲霎霎清胞湯細沃甘芳酒頻壓歲
月易蹉跎才如煮羊腴此色不可見此味何可乏分曹
門新詩聲調苦窳圖肥呼芋爲鴟爛誤壺作鴨諸公釋
草才韻窄步不踰吟微風人愧詠芭雅材性嘉蔬詢空

著花庵集

卷一

十一

山還序揚葩蚰

寄元甫兄潮州

生計今無賴殷勤尙遠遊依人殊可笑如汝肯言愁挾
雨江聲動凌風海氣浮驚心南食客三度此淹留

春日有懷元甫

山中昨夜雨芳草滋淺碧園芳新綠稠庭華故紅積良
辰寡儔侶忽念越鄉客暮燕營此身遶鴻矯共翮遙憐
一樽酒訪古誰與適榆露曖遠邨桑煙澹長陌蘇碑辨
訛字韓碣尋遺迹倘下湘子橋予心寄潮汐

偕張厚齋文學 游西巖出邵望落葉作

靈巖勢尊大峭立朝羣山天遣開士居卓錫誅茅營名
藍煥且儼實足壯遊觀故人昨招呼未到氣欲吞馬後
綠玉杖馬前黃金樽周行倏聘貽賦作火燎原乾坤徧
燭照赫輝不敢前近身眺疏林乃是落葉丹透迤赴平
陸巖巢踰崇巒相約上上頭兩腳飛孱顏

新寺

峭嶸紺宇開杖屨迷所適遙聞寒犬吠林轉途乍獲摩
天松氣青搖野竹光碧幽蘭吐芬藹嬌此空王宅畫棟
高人雲雕闌下臨澤憑空發長嘯目送南飛翮

由新寺至舊寺

著花庵集

卷一

十四

生平踐夷途側足畏厓隄下方才咫尺衆妙於此斂聽
泉度前岡隨雲入深崦迎門野花笑亂落紅如染壞壁
龍蛇蟠虛堂鬼神閃僧房隨意坐題名筆斜點我欲詢
慧師佛火已無燄

午飯舊寺二首

登頓誠乃疲忍飢送遙目前山尋紫藤後山采黃獨
山僧壞色衣餉客有香積並坐燒尾單杪擺午陰益

靈境院故址

溪聲流廣長山色獻清淨靈境一爲登俗慮萬俱屏臥
遊二十載今始續前興松間聞妙香竹外尋殘磬華嚴

彈指現化滅本無定惟有豐碑存義義鐫紹聖

綠榕橋

長橋失臥波綠榕尙如舊迴風暗相吹濃陰入吾裏高
幹蟠山椒虬枝結巖竇采采伽脩香不惜立寒晝

馭風臺

高臺何歲鬼直上凌蒼穹軒牕辟窳開納彼八面風嗽
廳青蘋末綿眇黃竹中封姨一相扇萬里刁騷同龕鐙
遞明滅檐鐸交丁東但知披余襟不辨雌與雄列僊海
上歸銖佩鳴虛空迴車紫極接飛步丹梯通帝閭可共
謁歷歷瞻張弓回頭俯下界一氣徒鴻濛

著花庵集

卷一

十五

此地舊有虬山觀音羅漢三巖日夕將歸不果登
詩以誌憾

虬山蜿蜒來掉尾偪高嶂觀音與羅漢顧眎峭相向捕
之欲噬人迴風颯颯颺三巖鼎足立險絕門雄壯西山
隱半規獨立久惆悵僧言中谿訝所至各殊狀石眼穿
樹根山腰佩花當復有玉乳滴清冽如仙釀瘦筇餘幾
枝折屐餘幾編還思續良遊登高一神王

著花庵集卷二

程鄉李黼平繡子著

羊城早霜胎和甫兄

高城近水秋易淒白雁過江前夜啼侵晨忽睹早霜落
天涯未歸意蕭索當時攬轡共登車豎子功名疇不如
堪憐穿履尙待詔自悔做貂空上書黃花翻階共人瘦
兄弟開尊且相就君不見平苗將士承

主恩雖未寄衣猶格門

園林襍詠八首

華軒敞空明澹然但生白羣賢此銷暑爽氣回簾席他

著花庵集

卷二

一

年袁紹杯我亦座中客

張琴寫南風忽向亭下度元卿時一吟皓羽欲雙去暮

景猶未已蒼涼在高樹

明山一百丈峩峩翠微裏夕暉娛忘歸朝爽曄不止好

事輸倚樓落汝闌干底

主人愛高誦金石鏘春塢應窮釋木經或習臧果譜卻

笑對客言吾不如老圃

名園一夜雨簌簌發寒響宿酒冷玉壺殘鐙耿羅幌爲

有素心人披衣共清賞

魚苗不受釣游泳欣有託萍花經雨長桃片因風落恰

值春水生君看紫鱗躍

在山水常清出山水常濁潺湲溪石橋下似向高人告一

詠幽磻泉迴風振林木

夜靜天宇清夫容暗香重灩灩露初浥裊裊風微送此

情君豈知沿流不忍弄

將歸畱別羊城諸子

胥江揪巨濤風緊帆不受我行有程期念此山水友寒
宵展良靚快意持杯酒清言霏珠玉高唱破筑缶雁叫

霜落時鷄鳴雪深候閉門更私語歲晚當相守潛鱗樂

淵壑歸翼懷林藪小別勿黯然相憶有瓊玖

著花庵集

卷二

二

關下

密霰紛紛霑客衣獻珠不遇今始歸他鄉道路易相失
故里雲山行可依渡海紅鸚寒自語穿林翠羽倦難飛
停橈關吏更相問知與買符心事違

次石龍卻寄

羊城至石龍潮便一夕耳解維辭夜漁落帆及朝市轉
思潮未上長年柁樓底龍嘯迴遠天鯨呿沒中沚心知
波濤響手把毬楫理水激風又生相遭疾如駛時至不
努力毫釐謬千里惟能諳順逆斯可安行止致身功名
路得失嗟同此慨然懷故人迢迢寄雙鯉

曉過博羅

朝日射寒流丹楓兩岸稠微風送天末落葉在船頭山
去橋能鎖岡橫碇不浮臨江山名相望渺難卽東上又
循州

惠州

回首羅陽落照殘蕭晨風物儘相看煙迷鶴觀荒荒碧
水抱鵝城淦淦寒萬古文章雄海外一生事業寄江干
停舟無限遭逢感也擬林婆酒盞乾

草鞋鋪遇盜

四載扁舟數往來囊空裘敝亦堪哀牀頭賸有青氍毹破

著花庵集

卷二

三

博得偷兒一笑回

釣石行

鵝城水淺歸棹遲延緣始出蘆之漪坡仙遺迹古磯在
舟人指點紛然疑我觀江郊畱舊作此証不與南山移
紹聖已還不得意安置遠惡投荒夷此邦未到預能說
瀟瀟梅雨然離支醒來或賒林婆酒飽後卽和陶公詩
收藏經濟寄竿笠雲水舊綸神明怡豐湖春暖際天碧
百頃汗漫鋪琉璃桃花初開鯽魚上胡不泛艇垂綵絲
應惟欲識莊惠樂意本不在鱗與鰭君看同文獄初起
一網打盡何其癡大書深刻爲黨籍轟然夜半傾豐碑

雲煙過眼市朝改不如盤石畱江溜噲吟鞢鞞浪衝擊

長使過客相吟咨昌黎陽山亦垂釣臨流竟日如漁師
荒臺突兀今未壞天南得此雙嶺崎新居眼前飛紫翠
憶侍過了隨雲姬欲臨深清薦一盞公方跨鶴歸峨眉

龍川曲三首

龍川故多龍風雨常不止天晴僂出門將眉鑒秋水
新塔與舊塔隔江兩崔巍如聞塔鈴語早晚過江來
霍山有仙人狡獪時一遇自從卽入山柯爛不知處

卻金亭送別

卻金亭子橫河曲一樹枯榕百修竹卻金人去不復還

著花庵集

卷二

四

千載清風動流俗當時餽送良可嗤黃夜豈必無人知
口籍美珠安足效手束大錢徒爾爲劉侯卻金自茲土
長使行人坐懷古碧瓦高連墨硯洲朱欄遠落沈香浦
送君初過卻金亭殘碣摩挲一涕零但識去官無長物
蒲葵蕙苴負朝廷

送元甫之潮州

我昨持策鞭五羊欲躡仙雲朝紫閭羣眞抗手忽相謝
三旬拓落畱他鄉先生尺書招我返謂我故邱堪偃蹇
淺水先安射鴨陂周牆更作聽鸛苑歸來相對賦閒居
桂渚篁山歡有餘隱偕求點知何似住共機雲定不如

北風吹衣歲將暮
念子乘舟別親故
秦嶺回看巨白雲
韓江直下攢紅樹
此時鳳城霜霰深
海氣遮天寒日陰
短狐伺人初射影
巨鱷狎客將甘心
遠道之行險如此
欲向何門跋朱履
明年也擬寄文無
湘子橋頭春漲起

草堂答劉五齊峰

東邨二三里林巒足
游目農家隱煙霧
僧寮蔽杉竹先生
愛高臥中間草堂
築看山不開門就
樹不移屋芋栗借
人種鷄豚耀天牧
前有半畝塘淪漣
皺春穀垂絲遊僑
上壓樅新膠熟扶
杖君但來毋謂吾
不速

送劉恒齋秀才性源赴揭陽

著花庵集

卷二

五

河橋楊柳綠成陰
送汝張頭忽不任
此際夕陽須執手
異鄉春色最驚心
灘聲高下吹蓬辣
海氣空濛澹柘林
到日紫魚應已躍
韓亭獨上幾題襟

雲洞紀遊詩

周溪書院

劉侯昔講學遊息傳茲地
因山列翠屏疊石鋪碧砌
諸生守綿蕞習禮以時至
溪聲當牕落浩浩洗胸次
家通鄭元經人識揚雄字
我來已陳迹雲物邈殊異
風輕松濤作日暖柳花墜
剡蘚讀舊碑空畱白沙記

片月池

空山風雷生怒挾白龍
走飛騰下深池約束暗不吼
淙膏靜沈沈蓄黛清
瀏瀏有如一一片月掛向巖左右
紅涵岸旁花綠蘸堤畔
柳游魚更淺潄知是新雨後
傳聞雲谷翁于此流連久
鑑面明須眉濯足離塵垢
年運俄已道林泉落人手
巍然池上樓觴詠亦烏有
天光盪破壁水氣涼虛曠
行將裁白蓮臨流待吾偶

天泉井

天泉無根源萬古常泌沸
山人夜不寐乘曉汲寒月
昨樵南山松知煮北山蕨

太極堂

著花庵集

卷二

六

太極夫如何高切霄漢表
雲氣沒長松風聲折孤篠
峻絕吾已躋所嗟古人杳

周溪

四山如連環遠眺曾無路
不知溪水來寧見溪水去
神迷逐葉若意愜寒蘭杜
沿洞信千轉澹宕非一處
石潭倒人景驚起雙浴鷺
岸折風乍迴沙陰日欲暮
夤緣至前灣巖谷峭奔赴
金梯迭虧蔽丹穴相吞吐
雲洞明煙鬟窈窕歡始遇
隔水未可親褰裳徑須渡

雲步橋

飛橋本穹窿歲久易崩圯
野夫謀利涉架木橫巨石
煙

籠楊葉翠露慘桃花碧惟聞曳杖聲不復知人迹

雲洞山

廿載東邨居初未到雲洞昨因按圖經始若醒醉夢是時氣清和正屆春月仲在桑鳩羽拂遷木鶯聲呀斜披白衿衣穩躡青絲鞵蹇蹇試登陟稍覺薄寒中呼吸帝座通形勢天門衒勝思許掾濟危偏韓公慟浮雲翳四合窈然坐深甕落帽風更吹霑衣雨忽凍須臾復開朗歷歷目遙送俯跨萬里鵬仰接千仞鳳昔者明府公好事過庸衆積石崇基階摩天架梁棟飢餐山果熟渴飲巖乳凍一心費冥搜萬象入吟弄願有煙霞約未得懷

著花庵集

卷二

七

抱空作詩獻山祇無乃笑成閤

雲谷亭

振策辭曾阿鳴葭下長坂孤亭緬遺構抗迹鄰嘉通當年盛文藻賓從如徐阮稍傷苔生樹彌惻蘭滋晚嵐翠朝夕呈其後依絕巘鳥啼衆山靜鷄唱孤邨晚谷雲亦何心隨人度溪返

送蕭蘇圃尉沅陵二首

自信平生少宦情春風吟上楚江清子規啼處楊花落知隔龍標尙幾程

休逢漁父問三閤竹赤楓青恐有餘小西洞開宮閣近

乘閒正好讀藏書

夏夜送友人不至

夜色澹如水客心孤似秋閒門成徒倚風月滿山樓螢度叢篁碧蟲吟蔓草幽所思殊不至清詠罷簪篸

劉五送畫扇

江寧畫扇推蔣誠昭與贊也名相并三家妙絕不可作屏面頓覺無光晶伊仰後起傳古法瑣事亦足添金陵百餘年來競相仿士庶捉此風流增草堂四月已溽暑揮汗如雨難遊行香羅細葛試絳縹出入正要齊統輕市廛有買吾豈惜路遠莫致空含情故人朝來肯送我

著花庵集

卷二

八

厚意突過貽袁宏湘江斑竹細排列入手便有清風興黃楊烏角一柄爾調變化忘炎蒸煙雲杳靄忽開眼畫圖況寫明陪京鍾阜峩峩連石城鷄鳴牛首何嵒嶭秦淮一碧畫舫明中流似發笙簫聲山川佳麗信如此想見風景當承平奈何後王倚天塹瓊枝璧月生刀兵興沈一代係微物摩挲方麴神迴驚

白蓮同齊峯金若

層軒面積水一望碧荷深勝地更清賞故人兼素心野風涼欲曉山月澹將陰晏坐未能去悠然把葉吟

觀官軍赴湖南二首